

ՍԱՆԱՏ ԿՈՒՄԱՐԱՅԻ ՎԵՐՋԻՆ ՈՒՂԵՐՁԸ

Նոր ելք է սկսվում... Հին և Էվոյուցիոն զարգացման անընդունակ ամեն բան կարբվի Երկրի երեսից

Սանատ Կումարա 19 դեկտեմբերի, 2019 թ.

ԵՍ ԵՄ Սանատ Կումարան: Ձեզ հետ հաղորդակցության երկարատև ընդմիջումը պայմանավորված էր նրանով, որ Մենք սպասել էինք այս Տիեզերքի Բարձրագույն Խորհուրդների կողմից Մեզ շնորհված հնարավորությունը, որպեսզի հաղորդակցվեինք Երկրի մարդկության հետ:

Անհրաժեշտ է ամփոփել արդյունքները:

Իմ ամենաառաջին Ուղերձներում, որոնցով ձեզ այցի էի գալիս այս դեսպանորդի միջոցով, Ես խոսում էի այն մասին, որ մարդկությունը մոտեցել է Աստվածային Էվոյուցիոն հնարավորության անցուղու վտանգավոր սահմանագծին, որից անդին նրան անելություն է սպառնում:

Համբարձյալ Դասերը մշտապես փորձում էին մարդկությանը հեռու պահել վտանգավոր նշագծից: Դրա եղանակներից մեկը՝ Մեր Ուղերձների միջոցով Երկրի մարդկության հետ հաղորդակցվելն է: Ուղերձների նպատակը՝ մարդկությանը դեպի Էվոյուցիոն զարգացման անվտանգ ուղի վերադարձնելն է:

Ես ասում էի այն մասին, որ մարդկությունը չի կարող գոյատևել, եթե ինքն իրեն կտրում է Աստծուց: Եթե Աստծուց կտրվածություն կա, ապա դա նման է քաղցկեղային ուռուցքի: Սեփական ցանկությունների ու քմահաճույքների վրա կենտրոնացած մարդկությունը, ուռճացնելով իր ցանկություններն ու կրքերը, դադարում է համապատասխանել Աստծո Մտահղացմանը և այլևս ունակ չի լինում շարունակելու իր գոյությունը:

Մենք չենք ոչնչացնում մարդկությանը: Մարդկությունն ինքն է իրեն ոչնչացնում: Գիտական բոլոր հայտնագործությունները վերածվում են սպանության գործիքների, երբ մարդկանց կյանքում տեղի է ունենում հրաժարում Բարձրագույն Բարոյական Օրենքից՝ Աստվածային Օրենքից:

Մենք մշտապես փորձեր ենք ձեռնարկում մարդկությանը վերադարձնելու դեպի Էվոյուցիոն զարգացման անվտանգ ուղի: Մեկը մյուսի հետևից Մենք գործի ենք դնում մեր առաքելությունները:

Քանի որ հիմա Ես խոսում եմ ռուս դեսպանորդի միջոցով, տեղին կլինի հիշել Ռուսաստանում վերջին 100 տարվա ընթացքում իրականացված Մեր առանցքային առաքելությունները:

Նախ և առաջ՝ դա կապված էր վերջին ռուսական ցարի ընտանիքի հետ, որն ամբողջությամբ բաղկացած էր Մեր դեսպանորդներից: Ինչ կատարվեց այդ ընտանիքի հետ... Բոլորին սպանեցին: Եվ դեռ մինչև հիմա հրեշավոր հայրոջանքներ են տեղում անմեղ նահատակվածների հիշատակին:

Հիշենք մի այլ ընտանիք, որը մեր կողմից առաքված էր Ռուսաստան: Դա Ռերիիների ընտանիքն էր: Նրանք ստիպված եղան փախչել Ռուսաստանից, և շատ տասնամյակների ընթացքում Ռերիիսի անունը չէր արտաբերվում իրենց հայրենիքում: Եվ նույնիսկ ներկա ժամանակում տեղի է ունենում Լույսի այն կիզակետի պղծում, որը Մենք ամրացրել էինք Ռուսաստանի մայրաքաղաքում բացված Ռերիիսի թանգարանին:

Մենք կրկին գործի դրեցինք Մեր դեսպանորդին, որի միջոցով Ես հիմա տալիս եմ այս Ուղերձը: Եվ ինչ է տեղի ունենում... Մեր դեսպանորդի Աշրամը պղծվում է ու հրդեհվում, իսկ դեսպանորդն ինքը ստիպված է լինում թափառել երկրից երկիր, քաղաքից քաղաք, մի բնակավայրից մյուսը, հանգրվանել օտար տներում ու հյուրանոցներում, ինչպես հայրենագուրկ մեկը: Չենքերի ժամանակակից տեսակներով իրականացվող կանոնավոր ու շարունակական կտտանքների ազդեցությամբ ոչնչացվում է Մեր դեսպանորդի առողջությունը:

Ահա այսպիսին է վերջին 100 տարվա ընթացքում Ռուսաստանում իրականացված Մեր առանցքային երեք առաքելությունների ընդհանուր արդյունքը:

Մենք բազմիցս ասել ենք, որ մարդկության գիտակցության մակարդակի մասին Մենք դատում ենք՝ հիմնվելով Մեր դեսպանորդների նկատմամբ ձեր վերաբերմունքի վրա: Հենց միայն Մեր պատգամաբերների նկատմամբ ցուցաբերած ձեր ակնածանքի ու հարգանքի որակի դրսևորմամբ՝ կարող էիք հասնել Էվոլյուցիայի անհրաժեշտ մակարդակի: Սակայն նույնիսկ այդ, թվում է՝ հասարակ հնարավորությունը ձեռքից բաց է թողնված վերջին 100 տարիների ընթացքում:

Մենք այլևս չենք կարող շարունակել:

Տեղի է ունենում Մեր կողմից Մեր դեսպանորդի միջոցով այդքան մեծ սիրով ձեր սրտերի մեջ ներարկված Էներգիայի հրեշավոր աղավաղում: Էներգիան ձեզ տրվում է, որ բարձրացնեք ձեր գիտակցությունը, ձեր մեջ զարգացնեք աստվածային հատկանիշներ և վեր բարձրանաք Էվոլյուցիոն զարգացման աստիճաններով: Փոխարենը դուք այդ Էներգիան շարունակաբար օգտագործում եք, որ կյանքից միայն հաճույքներ ստանաք:

Շատ Վեհապետներ զոհաբերեցին իրենց կառուցված մարմինների մասերը, որպեսզի Մեր Ուղերձների փոխանցման միջոցով պահպանվի Աստվածաշնորհի հնարավորությունը: Իսկ ինչ զոհաբերեցիք ինքներդ: Ինչ արեցիք, որ պաշտպանեք մեր դեսպանորդին... Ես հենց նոր դուրս եմ եկել Կարմայական Վարչության նիստից:

Երբեք հարցի դրվածքն այսքան սուր և դրամատիկ բնույթ չէր կրել: Ատլանտիդայի ժամանակներից սկսած՝ հարցն այդքան սուր և դրամատիկ ձևով դրված չի եղել:

Կարմայի Տիրակալները հակված են բաց թողնել կարմայի անիվը, որը վերջին տարիներին նրանք զսպում էին աննկարագրելի ջանքերով:

Այդ անիվը ծայրեծայր կգլորվի Երկրի վրայով: Արևմուտքից արևելք և հարավից հյուսիս: Երբ ծուխը կցրվի և մոխիրը կնստի, Մենք կվերադառնանք, և, որոշ ժամանակ անցնելուց հետո, նոր քաղաքակրթության ներկայացուցիչները կկարողանան Մեզնից ուսում ստանալ:

Իմ անցած Ուղերձում ձեզ հայտնել եմ այն վերջին հնարավորության մասին, որն իմ կողմից համաձայնեցված է Կարմայական Վարչության հետ: Ես ձեզ խնդրեցի պաշտպանել Մեր դեսպանորդին՝ որպես նշան այն բանի, որ դուք կանգնած եք մնում Յիերարխիայի աստիճանների վրա: Այդ դեպքում Յիերարխիան իրավասու կլիներ պաշտպանել ձեզ նաև հետագայում:

Սակայն ժամկետները լրացան, և իմ շնորհած հնարավորությունը ձեռքից բաց թողնվեց: Ոչ ոքի հնարավոր չէ մեղադրել կատարվածի համար:

Այդպիսին էր այն ընտրությունը, որը վերջին 100 տարիների ընթացքում կատարեցին Ռուսաստանի լուսակիրների հինգ սերունդները:

Ինչո՞ւ եմ ես խոսում միայն Ռուսաստանի մասին և չեմ հիշատակում այլ երկրներ: Բանն այն է, որ տվյալ ժամանակահատվածում Ռուսաստանը մեզ համար որպես առանցքային երկիր էր ընտրված, որի միջոցով պլանավորել էինք փոխել ամբողջ մոլորակի իրավիճակը:

Դա պայմանավորված էր ինչպես ընթացիկ պատմական պահով, այնպես էլ այդ երկրի աշխարհագրական դիրքով:

Նոր ելք է սկսվում... Հին և Էվոյուցիոն զարգացմանն անընդունակ ամեն բան կարբվի Երկրի երեսից:

Ձեր անհատական ընտրությունը, եթե այն ճիշտ է արված, կդրվի համաշխարհային Էվոյուցիոն փորձի ամբարում: Երբեք մի՛ մոռացեք, որ ձեր հիմնական ընտրությունը ձեզ կամ անմահ է դարձնում, կամ մահկանացու: Եվ այդ ընտրությունը կապված է այն բանի հետ, թե ձեզ համար ինչն է գլխավոր՝ Աստված, թե՞ ձեր շրջապատի անցողիկ, պատրանքային աշխարհը:

Ես այս օրով եղա ձեզ հետ: ԵՍ ԵՄ Սանատ Կումարան

Տառյանա Միկուշինա, 2019թ. Թարգմանեց Խ. Մանասեյանը